

中國方志叢書·華北地方·第四〇四號


據

民國·孔兆熊、郭藍田修，陰國垣纂
民國二十二年刊本

影印

山西省

沁源縣志



成文出版社有限公司印行



10094278

01/8875

中國方志叢書·華北地方·第四〇四號


據

民國·孔兆熊、郭藍田修，陰國垣纂
民國二十二年刊本

影印

山西

心源縣志



成文出版社有限公司印行

5682/10



10094279

P
1528
4219
10413

中國方志叢書·華北地方·第四〇四號


據

民國·孔兆熊、郭藍田修，陰國垣纂
民國二十二年刊本

影印

山西省

沁源縣志



成文出版社有限公司印行

5688/10

中華民國六十五年 月壹一版

沁源縣志

全三冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

新修沁源縣志序

沁源縣志年久失修考舊志續訂遠在清光緒辛巳距今五十餘年矣其間疆域之分合賦役之繁簡物產之豐嗇工商之隆替兵燹水旱之災變賢哲節孝之言行皆磊磊明明不勝枚舉苟無詳審紀載何以昭示來茲且自國體更變百度維新政治文化迥非昔比因革損益萬緒千端有千百年所不變而今日變之者有千百年所未有而今日有之者郵電也學校也黨務也警備也種種制度之設施莫不推陳出新一日千里當此玄黃遞嬗瞬息萬變之秋文獻無徵不免杞宋之憾故邑乘之修在今日尤爲急務庚午冬熊承乏斯邑嘗興念及此邑中人士皆有同情而陰幼萍先

生尤爲關注徒以下車伊始荏苒肆擾民生凋敝拯急籌防日無
暇晷難以輕言修述厥後匪氛肅清閭閻安謐爰於壬申季春邀
集財政局正副局長李君承先宋君子揚及全縣士紳討論志事
詢謀僉同遂呈准省憲設局重修即敦聘幼萍先生董其事而佐
之以任君升甫孫君煥軒王君充然王君明堂而陰君馥巖張君
健光諸碩彥亦前後特聘加入相與日夕研討熊亦妄參末議商
訂體例籌措經費博訪周諮分類編纂務期循名以核實信今而
傳後幼萍先生督率同人合力從事不一載而初稿以成未及付
梓熊忽奉調去職遂致一度停頓未幾郭公蘊玉繼綰縣政復經
詳加裁核釐爲八卷閱半載始克藏事邑紳以將付剞劂徵序於

熊竊愧不能始終其事未嘗一日去懷今幸得觀厥成因不揣謏陋贅數言以殿其後聊述原委明宿願已耳抑有進者此志之作意旨甚厚豈特保存文獻已也古人謂聞柳下惠之風者鄙夫寬薄夫敦聞伯夷之風者頑夫廉懦夫有立志今綜集數十年典章制度遞嬗之際風尚轉變之由民生凋敝之故以及賢人孝子之嘉言懿行任俠義士之奇特事跡而編纂一書則覽斯書者某也忠某也賢某事由微而致著某事由顯以趨隱觀感所在聞風興起厚風俗勵人心敦教化增富力其必以此爲樞紐矣矧沁源礦產豐富林木叢茂米糧藥材產量多而品質極佳是礦植之資天賦獨厚儻能因物以致富因富而兼及於教行見富力增進文化

大興可與今之歐美自治區域媲美尙何貧弱之足患乎熊因前
權沁事嘗致力於此未收成效良用疚心敢望今後官紳注意及
之幸甚民國二十二年十月中澣前署沁源縣縣長東雍夢飛孔
兆熊序於太原經濟建設委員會經濟統制處

新修沁源縣志序

癸酉之秋奉調來沁簿書之餘接見此邦人士知其俗尙勤儉土厚民龐猶有陶唐氏之遺焉而學有源淵人材輩出尤有非鄰邦所可及者雖言坊行表都人士能率先正典型而賢宰官誘掖獎勵久道化成不無少補焉豈一朝一夕之故哉惟是俗雖儉而不知變通之道民雖龐而不求進取之方新舊枘鑿弊將奚窮余思有以救正之未遑也適纂修新志未告厥成總纂者爲清庚子辛丑併科舉人歷膺安徽婺源山西應縣等縣縣牧學貫中西望重鄰封之陰君幼萍也昕夕從事寢食不遑精心獨構十閱月而成間常過往亦相與商訂義例斟酌體裁蓋新志肇修於孔公夢飛

惜未及竣事而檄調去任九仞之山虧於一簣殊可惜也今余承斯乏於是不自忘其鄙陋接孔公夢飛之志而賡續成之竊以志雖外史而一邑之文物典章風土俗尙胥載焉觀戶口之盈耗知昔之何由聚者益知今之何由散稽賦歛之繁重知前之何以簡者愈知後之何以煩誠握其要而調劑之於以救弊而補偏稽古而鑒今不難也爰與陰君勤考詳稽周諮博訪闕者補之誤者正之文不厭質事惟求真雖下邑野乘殊無當於著作之林而采風問俗酌盈劑虛使俗之儉者由野而進於禮民之靡者由舊而卽於新俗厚風淳民殷物阜沁之人日遊於光天化日之下而余亦得籍手以告無罪焉則斯志之作豈得謂無小補哉是爲序時民

國二十二年十月中浣也

調署沁源縣縣長秀容郭藍田撰

序

沁源有志自明萬歷年始厥後幾經修葺至光緒辛巳邑令董公
硯塘集縣人士重加續訂迄今又五十餘歲矣天時之變異人事
之升沉國體之更張制度之改革以及風土俗尚文物典章無不
日新月異變故萬端使無書以紀載之後有作者雖欲徵文考獻
而時過境遷惟有於荒烟蔓草間流連浩歎已耳豈非邦人士之
羞也哉庚午之冬新絳孔公夢飛來宰我沁旣政通人和矣詢知
縣志之年久失修也慨然以纂修爲己任爰集士紳籌謀擘畫而
囑余總其成余惟劉知幾氏三長之說固非專爲修志言然四方
之志掌諸外史則縣志者亦國史之支流餘裔也烏可以非才任

以康氏之才陸氏之學而武功靈壽兩志後世且有微詞焉譚陋
如余何必殃紙筆禍梨棗徒供後人覆醅爲辭之者三公督之者
三既不獲命乃集同人而語之曰我輩非敢云著述也生斯土爲
斯民目觀學術之日荒風俗之日弊人心之日浮不思有以救正
之是自棄也夫沁固僻壤無巍科顯宦然抱一經以教授於鄰邑
者歲常數百人安貧守拙語以詭遇之方不顧也流風所被我縣
人士稍知問學之涂徑焉今則求學者日衆而知學者日鮮長此
終古數十年後害有不可勝言者是之謂學荒我縣瘠窮俗素崇
儉雖北鄰平介而紛華之習不少染組袍不恥非僅士習之端已
也今則家無擔石而一擲千金夫短褐而妻紉素固不獨箕箒詬

諄之足憂也是之謂俗弊昔之時士恆爲士農恆爲農不見異而
遷焉不越俎而庖焉士人讀書數十年非登甲科不敢言仕宦農
商之家勿論矣今則僅識之無輒謀位置甚至傭耕之伍亦輟耕
太息思舍來而從戎其弊也游民日多而執業者日少是之謂人
心浮綜上三端非所謂當務之急乎然而平居私憂竊歎恨斧柯
之不我假者余與諸君子同一杞憂也今幸纂修新志稽古鑒今
誠於此數者愷切敷陳勿爲諱疾忌醫之舉俾賢宰官得以按症
處方補其偏而救其弊雖愚者之慮未必無裨於地方也謀之於
公公以爲然爰商訂義例分工呈勞乃未及觀成而孔公去任繼
之者爲郭公蘊玉秀容名士也勤政愛民無異孔公而尤熱心於

志事簿書之暇相與析疑訂誤不憚辛勤書成將付印余以邑人士例得有言章實齋氏有云作某時代之書當使人知爲某時代之人否則非愚實僭余之修志亦明其爲現時代之人之作耳至體裁之當否有全書在敢以質諸高明

民國二十二年十月中澣前安徽婺源縣知事庚子辛丑恩正併

科舉人邑人陰國垣序

修志姓氏

總修

前署沁源縣縣長

孔兆熊

調署沁源縣縣長

郭藍田

參閱

第一科科長

劉立達

第一科科長

馮汝龍

第二科科長

張逢珍

第二科科長

孫良弼

承審員

王文蔭

沁源縣志

卷一

修志姓氏

七

太原德和信代印